



Adresseinformasjon fylles inn ved ekspedering.
Se mottakerliste nedenfor.

Dato: 20.05.2016
Vår ref: 15/01363-8
Deres ref:

Høring av søknad frå Kristian Gården & Sønner AS om driftskonsesjon for Tolstadmoen gbnr. 1/1 i Vågå kommune

Leiv Erikssons vei 39
Postboks 3021 Lade
N-7441 Trondheim

TELEFON + 47 73 90 40 50
E-POST mail@dirmin.no
WEB www.dirmin.no

GIRO 7694.05.05883
SWIFT DNBANOKK
IBAN NO5376940505883
ORG_NR. NO 974 760 282

SVALBARDKONTOR
TELEFON +47 79 02 12 92

Direktoratet for mineralforvaltning med Bergmesteren for Svalbard (DMF) har motteke søknad om driftskonsesjon etter § 43 i lov om erverv og utvinning av mineralressurser (minerallova) frå Kristian Gården & Sønner AS, datert 14. august 2015.

Søknaden med vedlegg er tilgjengeleg på DMFs heimeside: <http://www.dirmin.no/> under "Saker til høyring". Høyringsinstansane kan få tilsendt papirutgåve av søknaden ved førespurnad.

Høyringsfristen er 1. juli 2016.

Søknaden

Kristian Gården & Sønner AS søker om driftskonsesjon for Tolstadmoen i Vågå kommune. Arealet det søkjast om driftskonsesjon for er 111 daa. Tiltakshavaren har anslått at totalvolumet for uttaket er 700 000 m³, og at det forventast at ein skal ta ut mellom 6000 – 7000 m³ årleg. Førekomsten tilhøyrar mineralkategorien grunneigers mineralar. Det framkjem av søknadsskjemaet at det er tale om ein løsmasseførekomst av varierende kvalitet, der tiltakshavaren ser for seg å nytta ressursen uforedla, knust og eventuelt sortert. Konsesjonsgrensa er samanfallande med plangrensa for steinbrudd og masseuttak som framkjem av kart med planID: 5152014002, vedteken i kommunestyret den 16. desember 2014.

DMFs behandling av søknaden

Formålet med minerallova er å fremme og sikre samfunnsmessig forsvarleg forvaltning og bruk av mineralressursane i samsvar med prinsippet om berekraftig utvikling.

DMF er konsesjonsstyresmakt i saker med samla uttak av mineralførekomst på meir enn 10 000 m³ masse og for alle uttak av naturstein.

DMF sender søknadene, inkludert driftsplanar, på høyring til aktuelle høyringsinstansar jf. forvaltningslova § 17. Dette vil normalt vere grunneigaren og andre kjende rettshavarar, eigarar, drivarar og bebuarar og andre kjende rettshavarar på



naboeigedommar som kan bli påverka, i tillegg til kommunen (kommunane), fylkeskommunen og statlege forvaltningsorgan.

Søkjaren får høve til å kommentere innkomne høyringsfråsegnar før DMF gjer vedtak.

Innkomne konsesjonssøknader blir underlagde ei skjønsmessig prøving hos DMF før vi avgjer om vi skal gi driftskonsesjon. Ved vurderinga av om vi skal gi driftskonsesjon, legg vi vekt på om søkjaren er «skikka» til å utvinne førekomsten, det vil seie om prosjektet verkar gjennomførleg økonomisk, om det er lagt opp til bergfagleg forsvarleg drift, og om søkjaren har tilstrekkeleg kompetanse til å drive førekomsten. Ved vurderinga av om vi skal gi driftskonsesjon, skal vi òg leggje vekt på

- kva innverknad tiltaket vil ha på verdiskaping og næringsutvikling
- kva innverknad tiltaket eventuelt vil ha på naturgrunnlaget for samisk kultur, næringsliv og samfunnsliv
- kva innverknad tiltaket vil ha på omgivnadene og nærliggjande område under drifta
- kva konsekvensar ei utvinning vil ha for miljøet
- kva for planar som ligg føre for etterbruk eller tilbakeføring av området

Dersom DMF gir driftskonsesjon, er det normalt knytt vilkår til denne, jf. minerallova 43. Vilkåra omfattar blant anna krav om driftsplan, økonomisk garanti osv.

DMF gjer merksam på at ein driftskonsesjon gitt i medhald av minerallova ikkje erstattar krav om løyve, godkjenning, arealplan eller konsesjon etter anna lovgiving. Det er søkjaren som har ansvaret for å innhente slike løyve.

Nærmare om høyringsfråsegnene

Vi oppfordrar høyringsinstansane til å komme med grunngitte synspunkt på om DMF bør gi konsesjon eller ikkje, under dette komme med konkrete forslag til avbøtande tiltak og vilkår som bør stillast med tanke på det ansvarsområdet den aktuelle instansen er sett til å forvalte. Frå private partar ber vi òg om innspel dei reknar som relevante ut frå konkrete forhold i den aktuelle saka. Dersom høyringsinstansen er kjend med forhold som ikkje er tilstrekkeleg klarlagde i søknaden, ønskjer vi opplysningar om det.

Generelle kommentarar knytte til arealbruk i området skal ikkje vurderast ved ein søknad om driftskonsesjon. Dette er sikra gjennom plan- og bygningslova. Synspunkt knytte til kommunens allereie vedtekne arealdisponering (arealplan, reguleringsplan og eventuell dispensasjon frå reguleringsplan) vil vi derfor ikkje leggje særleg vekt på ved vurderinga.

Vi ber kommunen spesielt informere oss snarast mogleg om det finst særleg påverka partar som ikkje står på adresselista.

Naturmangfoldloven § 7 påleggjer alle myndighetsinstanser som fattar avgjerder som har verknader for naturen å vurdere planlagde tiltak opp mot prinsippa i naturmangfoldloven §§ 8-12.

- DMF ber kommune og fylkesmann opplysa om det er kjende naturverdiar i området som kan bli påverka av uttaket



- DMF ber fylkeskommunen opplysa om det føreligg kjende kulturminne som kan bli påverka av uttaket

Innsending av høyringsfråsegner

Vi ber om at høyringsfråsegna blir send innan fristen 1. juli 2016, på e-post til **mail@dirmin.no** eller ordinær post til: **Direktoratet for mineralforvaltning med Bergmeisteren for Svalbard, Postboks 3021 Lade, 7441 Trondheim.**

Delar av høyringsfråsegner kan bli siterte i vedtaket om å gi konsesjon eller ikkje. Dersom fråsegna er omfattande, er det derfor ein fordel om det blir utarbeidd eit samandrag som kan brukast til dette.

For nærare informasjon om mineralloven med tilhøyrande forskrifter, sjå heimesida vår på www.dirmin.no.

Vennleg helsing

Thomas Furunes
seniorrådgjevar

Stine Borge Nordskog
rådgjevar

Dokumentet er elektronisk signert og har difor ikkje handskrivne signaturar.
Sakshandsamar: Stine Borge Nordskog



Mottakere:

Vågå kommune	Edvard Storms veg 2	2680 VÅGÅ
Oppland fylkeskommune	Postboks 988	2626 LILLEHAMMER
Fylkesmannen i Oppland	Postboks 987	2604 LILLEHAMMER
Statens vegvesen Region øst	Postboks 1010 Nordre Ål	2605 LILLEHAMMER
Norges vassdrags- og energidirektorat Region øst	Vangsv. 73	2326 HAMAR
Hans Kvarberg Tolstad	Klebervegen 158	2682 LALM
AS Eidefoss	Postboks 160	2684 VÅGÅ
John Tore Ulsletten	Ottadalsvegen 1443	2682 LALM
Øystein Kleiven	Baksidevegen 91	2682 LALM
Laila Nerlien Bråthen	Lerkelunden 4	2067 JESSHEIM
Kari Oddveig Nerlien Sundbye	Lachmanns vei 10 A	0495 OSLO
Inger Kjellaug Nyland Wendt	Baksidevegen 342	2682 LALM
Ola-Rune Myrhaug Brånå	Baksidevegen 438	2682 LALM
Ida Johanne Rønningen	Baksidevegen 438	2682 LALM

Kopi til:

Kristian Gården & Sønner AS	Dahlemoen 21	2670 OTTA
-----------------------------	--------------	-----------